



**VANJSKOTRGOVINSKA KOMORA BOSNE I HERCEGOVINE**  
**СПОЉНОТРГОВИНСКА КОМОРА БОСНЕ И ХЕРЦЕГОВИНЕ**

**KABINET PREDSEDNIKA I POTPREDSJEDNIKA**

Broj: 01-4-03-3-614-18/21

Datum: 02.07.2021.godine

**VIJEĆE MINISTARA BOSNE I HERCEGOVINE**

**Trg BiH 1, 71000 Sarajevo**

**PREDMET:** Zaključak sa 11. redovne izborne sjednice Skupštine Udruženja prijevoznika u međunarodnom i međuentitetskom cestovnom prijevozu putnika Vanjskotrgovinske komore Bosne i Hercegovine – dostavlja se

Uvaženi,

Na osnovu člana 16. Pravilnika o organizaciji i radu Udruženja prijevoznika u međunarodnom i međuentitetskom cestovnom prijevozu putnika Vanjskotrgovinske komore Bosne i Hercegovine, Skupština Udruženja je, na svojoj 11. redovnoj izbornoj sjednici, održanoj dana 24.06.2021. godine, nakon izbora novog Odbora Udruženja, jednoglasno usvojila Zaključke i preporuke, broj: 03-03-3-614-15/21, kojima se, između ostaloga, od Vijeća Ministara Bosne i Hercegovine traži da iznađe modalitete za pomoć bosanskohercegovačkim prijevoznicima u međunarodnom i međuentitetskom cestovnom prijevozu putnika, obzirom na izuzetno tešku situaciju u kojoj se nalaze prijevoznici kao posljedica pandemije Covid-19, što je dovelo do smanjenog obima poslovanja.

Očekujući Vaše razumijevanje i razmatranje predloženog, unaprijed Vam zahvaljujem i srdačno pozdravljam.

S poštovanjem,

**PREDSEDNIK**

Ahmet Egrlić





VANJSKOTRGOVINSKA KOMORA BOSNE I HERCEGOVINE  
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

SEKTOR ZA TRANSPORT I KOMUNIKACIJE

Udruženje prijevoznika u međunarodnom i međuentitetskom cestovnom prijevozu putnika

71000 SARAJEVO, Branislava Đurđeva 10.

Skupština Udruženja

Broj: 03-03-3-614-15/21

Sarajevo: 24.06.2021. godine

Na osnovu člana 16. Pravilnika o organizaciji i radu Udruženja prijevoznika u međunarodnom i međuentitetskom cestovnom prijevozu putnika (prečišćeni tekst) broj:EO-1-846-5/06, Skupština Udruženja na svojoj 11. sjednici, održanoj dana 24.06.2021. godine, jednoglasno je usvojila sljedeće:

## ZAKLJUČKE I PREPORUKE

### I

Skupština Udruženja, razmatrajući aktuelno stanje i problematiku u djelatnosti međunarodnog i međuentitetskog cestovnog prijevoza putnika, uvažavajući trenutno teško ekonomsko stanje i potrebu za poboljšanje uslova rada preduzeća koja se bave međunarodnim i međuentitetskim cestovnim prijevozom putnika, utvrdila je određene aktivnosti i mjere koje je potrebno poduzeti i to:

#### 1. Traži se od Ministarstva komunikacija i transporta Bosne i Hercegovine da:

- hitno pokrene procedure za izmjenu Zakona o međunarodnom i međuentitetskom cestovnom prijevozu, u dijelu koji se odnosi na suzbijanje nelegalnog prijevoza i nelegalne konkurencije, odnosno da se daju veća ovlaštenja inspekcijskim organima i Graničnoj policiji Bosne i Hercegovine.
- ministar što prije zakaže sastanak sa Odborom Udruženja, u cilju rješavanja problematike iz oblasti međunarodnog i međuentitetskog cestovnog prijevoza putnika;
- dostavi informaciju Odboru Udruženja o statusu Protokola uz Interbus Sporazum, u kojoj je fazi navedeni Protokol;
- iznađe modalitete za pomoć bosanskohercegovačkim prijevoznicima u međunarodnom i međuentitetskom cestovnom prijevozu putnika, obzirom na izuzetno tešku situaciju u kojoj se nalaze prijevoznici kao posljedica pandemije COVID-19, što je dovelo do smanjenog obima poslovanja;

#### 2. Traži se od Vijeća Ministara Bosne i Hercegovine da iznađe modalitete za pomoć bosanskohercegovačkim prijevoznicima u međunarodnom i međuentitetskom cestovnom prijevozu putnika, obzirom na izuzetno tešku situaciju u kojoj se nalaze prijevoznici kao posljedica pandemije COVID-19, što je dovelo do smanjenog obima poslovanja.

#### 3. Skupština Udruženja ne prihvata prijedlog Pravilnika o izmjenama i dopunama Pravilnika o postupku usklađivanja i registracije redova vožnje, načinu i postupku izdavanja dozvole i obrascu dozvole, koji je dostavljen uz akt Ministarstva komunikacija i transporta Bosne i Hercegovine, broj: 01-05-02-2-1371-1/21 od 18.05.2021. godine.

### II

Zaključke i preporuke iz tačke I dostaviti organima i institucijama nadležnim za rješavanje određenih pitanja iz njihove nadležnosti.

### III

Za realizaciju ovih zaključaka i preporuka zadužuje se Odbor Udruženja i Sektor za transport i komunikacije Vanjskotrgovinske komore Bosne i Hercegovine.

Predsjedavajući sjednicom Skupštine Udruženja:  
Dejan Mijić

.....